

Najib terkena jangkitan bacteria E. Coli
Astro Awani
Januari 05, 2015

KUALA LUMPUR: Perdana Menteri Datuk Seri Najib Tun Razak terkena jangkitan bakteria E.coli (*Escherichia coli*) semasa melawat kawasan banjir, baru-baru ini.

Ini dinyatakan melalui catatan di laman Twitter Pejabat Media Perdana Menteri hari ini.

"Doktor menasihatkan Perdana Menteri supaya berehat susulan perkembangan itu. Beliau akan kembali bertugas secepat mungkin," menurut catatan itu.

Sementara itu, Najib melalui catatan di laman Twitternya berkata beliau akan terus memantau operasi bantuan banjir dari rumah.

Tambah kenyataan pejabat Najib menerusi akaun twitternya, beliau akan kembali bertugas secepat mungkin.

E.coli boleh menyebabkan cirit-birit, muntah, demam dan paling bahaya ialah dehidrasi atau penyahhidratan yang boleh membawa maut.

Najib sebelum ini mengadakan lawatan bagi meninjau keadaan banjir serta memantau usaha membantu mangsa yang terjejas akibat bencana itu di negeri seperti Kelantan, Terengganu, Pahang dan Perak.

Copyright © Astro Awani Network Sdn. Bhd. 2015 (535275-D).

Read more at: <http://www.astroawani.com/berita-banjir/najib-terkena-jangkitan-bakteria-e-coli-51561>